



**OFISI YA WAZIRI MKUU, TAWALA ZA MIKOA NA SERIKALI ZA
MITAA
HALMASHAURI YA WILAYA YA IGUNGA
SHULE YA SEKONDARI SEIF GULAMALI
S.L.P 267 IGUNGA - TABORA**



**KUMB. NA. SGSS/J. I/VOL. 11/1
NDG. MZAZI/MLEZI WA**

Tarehe.....

**YAH: MAELEKEZO YA KUJIUNGA NA KIDATO CHA TANO (V) KATIKA SHULE YA SEKONDARI
SEIF GULAMALI.**

Tafadhari rejea mada tajwa hapo juu.

Ninayo furaha kukufahamisha kuwa Mwanao _____. Ni miongozi mwa vijana wachache waliopata bahati/fursa ya kuendelea na masomo ya kidato cha tano katika shule ya sekondari **SEIF GULAMALI**, iliyopo Halmashauri ya wilaya ya Igunga, Mkoa wa Tabora kwa mwaka wa masomo..... kwa Tahasusi (Combination) ya **PCB** – Hongera sana.

Ni shule ya kutwa kwa kidato cha Kwanza hadi cha Nne na Bweni kwa kidato cha Tano na cha Sita. Pia ni shule ya mchepuo wa Sayansi, ni shule ya mchanganyiko wasichana na Wavulana. Aidha, ni shule yenye Tahasusi za Sayansi (“Subject Combinations”) **PCB** kwa Kidato cha Tano na Sita.

Nina imani kwamba utafurahi/utafaidika kusoma katika shule hii yenye sifa nyingi.

Shule itafunguliwa..... Mwisho wa kuripoti..... Na baada ya tarehe..... nafasi hii atapewa mwanafunzi mwingine mwenye sifa.

MAHALI SHULE ILIPO:

Shule ipo Km 10 kutoka Nyandekwa (katikati ya Igunga na Nzega) kwenye Barabara kuu ya lami ya Mwanza – Dar Es Salaam. Ukifika Nyandekwa unapanda bodaboda kuelekea Ntigu (Kusini) ambapo shule ilipo nauli shilingi elfu Tano (5000/=).

Pamoja na barua hii niambatanisha fomu mbalimbali ili uzishughulikie haraka na kuzirejesha shuleni mapema iwezekanavyo au siku ya kuripoti shuleni.

- Fomu ya kupima afya ya mwanafunzi.
- Fomu ya Taarifa za Mwanafunzi.
- Fomu ya taarifa za mzazi/mlezi.

Nakutakia maandalizi mema na karibu sana Seif Gulamali Sekondari.

Wako

LENGISHON PINIEL SARUNI

MKUU WA SHULE

MAWASILIANO:

- ✓ MKUU WA SHULE - 0629269065
- ✓ MAKAMU MKUU WA SHULE - 0754289765
- ✓ MWALIMU MWANDAMIZI TAALUMA - 0747780307

MAHITAJI YA LAZIMA YA SHULE

1.0 MALAZI

- ✓ Mwanafunzi anatakiwa awe na **godoro jipya** la sponge ft. 2½ la inchi nne (ikiwezekana liwe na waraka),
- ✓ Shuka mbili rangi ya light blue na pinki na neti ya kuzuia mbu (pande nne na sio mviringo kwa juu), foronya na mto.
- ✓ Aje Na ndoo mbili zenye ujazo wa lita kumi (10).
- ✓ Aje na ndala jozi mbili kwa ajili ya kuogea.
- ✓ Aje na taalo
- ✓ Aje na taa moja ya betri au solar ambayo atatumia wakati umeme unapokatika.
- ✓ Aje na sanduku imara la bati pamoja na kufuri kwaajili ya kuhifadhia vitu vyake vote.
- ✓ Aje na kiwi nyeusi na brush.
- ✓ Aje na mswaki, dawa ya meno, sabuni ya kufuria na kuogea.
- ✓ Aje dumu la lita tano (5) kwaajili ya kuhifadhia maji ya kunywa.

Mwanafunzi atapangiwa Bweni na Darasa katika Ofisi ya Makamu wa Mkuu wa Shule. Ni **MARUFUKU** kwa Mwanafunzi yeyote, kukaribisha Mgeni Bwenini, bila KIBALI cha Uongozi wa Shule.

2.0 SARE ZA SHULE

WAVULANA: -

- ✓ Suruali mbili rangi ya Dark-Blue yenye marinda mawili kila mguu, chini upana wa inchi 17 au 18 ukunje na pindo la nje (Turn-up), na mifuko miwili ya “cross” mbele, na nyuma iwe na mfuko mmoja. Aidha, inatakiwa iwe na luksu sita za kuwekea mkanda - **Kitambaa Kimeambatanishwa**.
- ✓ Suruali mbili (2) rangi ya Khaki na T-shirt 2 za bluu - Shamba Dress ambazo huvaliwa wakati wa masomo ya jioni au kazi za jioni. (**Kitambaa Kimeambatanishwa**)
- ✓ Mashati mawili meupe mikono mirefu (tetron).
- ✓ Sweta moja (1) la mikono mirefu rangi ya dark blue (Pia zinapatikana shuleni)
- ✓ T-shirt mbili (2) rangi ya Blue.
- ✓ Raba za kuvaa wakati wa michezo.
- ✓ Viatu vyeusi vya Ngozi vyenye kamba, siyo buti na visiwe na visigino virefu,
- ✓ Soksi rangi nyeusi Jozi mbili (2),
- ✓ Mkanda mweusi wa Ngozi wenye kifungio cha Kawaida.
- ✓ Bukta moja (1) rangi ya blue.
- ✓ Track suit moja (1) rangi ya dark blue.

Ni marufuku kwa mwanafunzi kuvaa suruali zinazobana (vimodo), vikoti, makoti, vilemba, kofia, vizibao, bangili, mkufu na mapambo kama sehemu ya sare ya shule.

WASICHANA:

- ✓ Sketi mbili rangi ya Dark-Blue zenye marinda 14 (kumi na nne) ya kupanga, ziwe zinazofika kwenye kifundo cha mguu (zisizobana)- **Kitambaa Kimeambatanishwa**.
- ✓ Sketi mbili (2) rangi ya Khaki na T-shirt 2 za bluu – (Shamba Dress) ambazo huvaliwa wakati wa masomo ya jioni au kazi za jioni. (**Kitambaa Kimeambatanishwa**)
- ✓ Mashati mawili meupe mikono mirefu (tetron).
- ✓ Sweta moja (1) la mikono mirefu rangi ya dark blue. (Pia zinapatikana shuleni)
- ✓ T-shirt mbili (2) rangi ya Blue (muundo wa form six).
- ✓ Raba za kuvaa wakati wa michezo na viatu vya kufunga (simple shoes) baada ya vipindi.
- ✓ Viatu vyeusi vya Ngozi vyenye kamba, vyenye visigino vifupi.
- ✓ Soksi ndefu rangi nyeupe Jozi mbili (2),
- ✓ Track suit moja (1) rangi ya dark blue.
- ✓ Wasichana wa kiislamu wanaopenda kuvaa Hijabu wakati wa masomo wanaruhusiwa lakini Hijabu iwe ya kushona nyeupe isiwe ya dukani, Nusu kanzu nyeupe isiyobana na sketi ndefu ya Dark Blue.

NB : Usafi wa mwili na mavazi yote yanayoruhusiwa kuvaliwa hapa shuleni ni muhimu. Ukaguzi utafanywa mara kwa mara kuthibitisha usafi huo.

Uvaaji wa Sare ni **lazima kwa wanafunzi** wote wakati wa:-

- (a) Masomo darasani
- (b) Wanafunzi wanapotoka nje ya shule
- (c) Mhadhara wa Shule (BARAZA)
- (d) Mikutano
- (e) Mahafali (“Graduation”)

Mwanafunzi atatakiwa kuvaa Suruali/Sketi ya Khaki na Fulana ya blue (Shamba Dress) awapo katika eneo la shule nje ya muda wa vipindi vya kawaida vya Darasani **na SI VINGINEVYO.**

Sweta sio sehemu ya sare ya shule, Kama mwanao atalazimika kuvaa sweta shuleni kwa sababu za kiafya **zilizothibitishwa na Daktari**, Sweta inayokubalika ni ile yenye rangi ya “Dark Blue” yenye shingo V.

3.0 VIFAA VYA CHA KULA

- ✓ Sahani yenye vyumba vinne, kikombe cha plastiki na kijiko.

4.0 **MAHITAJI YA FEDHA AU VIFAA**

Kila mwanafunzi anatakiwa aje na mahitaji yafuatayo:-

MICHANGO MBALIMBALI

NA.	AINA YA MCHANGO	KIASI
1.	Mchango wa uendeshaji wa shule	65,000/=
2.	Tahadhari	5,000/=
3.	Nembo	5,000/=
4.	Kitambulisho	5,000/=
JUMLA		80,000/=

5.0 **MWANAFUNZI ANATAKIWA KUJA NA;**

- ✓ Fagio la nje (Wavulana na Wasichana)
- ✓ Fagio la ndani (Softbloom) (Wavulana) + Fagio wa raba (Mopper) (Wasichana).
- ✓ Jembe lenye Mpini (Wavulana na Wasichana).
- ✓ Fyekeo (Wavulana) na Reki (Wasichana).
- ✓ Folder file 2 (Kwa taarifa zake).
- ✓ Rimu paper A4 (white) bunda 2.
- ✓ Nakala ya Hati ya matokeo (Result slip)

NB: Fedha zote, zilipwe kupitia Akaunti ya Shule – CRDB.

Jina la Akaunti ni: **SEIF GULAMALI SECONDARY SCHOOL. A/C No. 0150682150300.**

Ni lazima Bank-Pay-In-Slips (BPS) iwasilishwe shuleni ili mwanafunzi apatiwe risiti.

BPS hiyo ionyeshe majina ya mwanafunzi na SIO MZAZI/MLEZI.

Fedha ambayo haijalekezwa kulipia Benki hakikisha unakuja nayo shuleni na si vinginevyo

6.0 MAHITAJI MENGINE MUHIMU:

- (i) Fedha/Vifaa muhimu kama nauli ya kurudia nyumbani/Maths Set/Fedha za matumizi madogo madogo/vyombo vya chakula. Madaftari/kalamu/” Graph papers”, chandarua nk. **NB: Mwanafunzi aweke Fedha za ziada kwenye Akaunti yake Benki.**
- (ii) Picha 4 (Pass Port size) zipigwe na sare ya shule - zinaweza kupatikana shuleni kwa gharama ya Tshs. 3,000/=
- (iii) Vitabu vya Masomo ya Tahasusi husika (Orodha imeambatanishwa)
- (iv) madaftari ya masomo Q3 au Q4 kwa idadi ya tahasusi aliyochaguliwa pia na kalamu za kutosha.
- (v) Dissecting Kit kwa wanafunzi wa Biology (Pia zinapatikana shuleni)
- (vi) Non-Programmable Scientific Calculator (fx 991 MS. (Pia zinapatikana shuleni)
- (vii) Aje na Lab Coat.
- (viii) Aje na Gloves kwa ajili ya mafunzo kwa vitendo. (Pia zinapatikana shuleni)
- (ix) **AFYA:** Mzazi unatakiwa kumkatia mwanao BIMA YA AFYA (Bima kubwa ya NHIF) kwaajili ya matibabu ya Tsh 50,400/= kwa Mwaka.
- (x) T-shirt 2 rangi ya kijivu, T-shirt hizo zinaweza kupatikana shuleni pia kwa gharama ya Tsh. 15,000/=

7.0 MIPAKA YA SHULE

- (i) Mipaka ya shule iko wazi na utakapofika hapa utaiona/utaonyeshwa
- (ii) Hairuhusiwi kutoka nje ya mipaka hiyo bila kibali cha Mkuu wa Shule
- (iii) Saa za kutoka nje ya mipaka hiyo zimeonyeshwa kwenye ratiba ya siku ya Jumapili.

8.0 Wanafunzi hawaruhusiwi kutembelea sehemu zifuatazo isipokuwa kwa kibali maalum

- (a) Chumba maalum cha walimu (Staff room)
- (b) Ofisi za shule (school offices)
- (c) Maabara na karakana
- (d) Jikoni
- (e) Nyumba za walimu na wafanyakazi wasio walimu

9.0 SEHEMU AMBAZO MWANAFUNZI HARUHUSIWI KUONEKANA

Ni marufuku kuonekana sehemu zifuatazo: -

- (a) Vilabu vya pombe (Bars, Night Clubs, Vigodoro)
- (b) Majumba ya Starehe (Cinema Halls, Disco Halls nk)
- (c) Majumba ya kufikia wageni (Guest Houses)

10.0 SHERIA NA KANUNI MUHIMU ZA SHULE HII:

Shule inaendeshwa kwa mujibu wa sheria ya Elimu Na. 25 ya mwaka 1978. Aidha inazingatia miongozo yote inayotolewa na Wizara yenye dhamana ya Elimu nchini. Unatakiwa kuzingatia mambo ya msingi yafuatayo ambayo yatafafanuliwa mara baada ya kuripoti shuleni.

- (a) Heshima kwa viongozi, wazazi, wafanyakazi wote, wanafunzi wengine na jamii kwa ujumla, ni jambo la lazima.
- (b) Mahudhurio mazuri katika kila shughuli ndani na nje ya shule ni muhimu.
- (c) Kutimiza kwa makini maandalio ya jioni (Preparation).
- (d) Kuwahi katika kila shughuli za shule na nyingine utakazopewa.

- (e) Kufahamu mipaka ya shule na kuzingatia kikamilifu maelekezo juu ya kuwepo ndani na nje ya mipaka hiyo wakati wote wa uanafunzi wako katika shule hii.
- (f) Kutunza usafi wa mwili na mazingira ya shule.
- (g) Kuvaa sare ya shule wakati wote unapotakiwa kufanya hivyo.
- (h) Kuzingatia ratiba ya shule wakati wote.

11.0 **MAKOSA YANAYOSABABISHA MWANAFUNZI KUFUKUZWA SHULE**

- (a) WIZI
- (b) UASHERATI/UBAKAJI/ULAWITI/USHOGA
- (c) ULEVI WA AINA YOYOTE
- (d) UVUTAJI WA SIGARA/BANGI/UTUMIAJI WA DAWA ZA KULEVYA
- (e) MAKOSA YA JINAI
- (f) KUPIGANA AU KUPIGA
- (g) KUHARIBU MALI YA MTU/ UMMA/FEDHA YA SERIKALI KWA MAKUSUDI,
- (h) KUDHARAU BENDERA YA TAIFA/VIONGOZI WA SERIKALI,
- (i) KUOA AU KUOLEWA
- (j) KUPATA MIMBA/KUMPA MWANAMKE MIMBA
- (k) KUSHIRIKI MATENDO YA UHALIFU, SIASA NA MATENDO YOYOTE YALE YANAYOVUNJA SHERIA ZA NCHI,
- (l) KUTEMBELEA MAJUMBA YA STAREHE NA NYUMBA ZA KULALA WAGENI,
- (m) KULALA NJE YA SHULE BILA KIBALI CHA MKUU WA SHULE
- (n) KUTOA MIMBA/KUSHIRIKI KATIKA KUTOA MIMBA
- (o) KUTOHUDHURIA VIPINDI VYA DARASANI KWA ZAIDI YA SIKU 90 BILA TAARIFA/UTORO,
- (p) KUTOA LUGHA CHAFU KWA WANAFUNZI WENZAKE, WALIMU/WALEZI NA JAMII KWA UJUMLA,
- (q) KUFUGA NDEVU AU NYWELE NDEFU,
- (r) KUGOMA, KUCHOCHA, KUONGOZA AU KUVURUGA AMANI NA USALAMA WA SHULE AU WATU,
- (s) KUFANYA JARIBIO LOLOTE LA KUJIUA, AU KUTISHIA KUJIUA KAMA KUNYWA SUMU N.K.
- (t) KUKATAA ADHABU KWA MAKUSUDI,
- (u) KUTOKA NJE YA SHULE BILA SARE YA SHULE AU BILA KIBALI,
- (v) KUMILIKI, KUKUTWA AU KUTUMIA SIMU YA MKONONI/LINE YA SIMU/CHARGER KATIKA MAZINGIRA YA SHULE.

12.0 **MAENEO YA KUFANYA KAZI**

Mabwenini

- ✓ Kila mwanafunzi atapangiwa na mwalimu wa bweni eneo la kufanya kazi asubuhi na jioni baada ya saa za darasani.
- ✓ Hatua kali za kinidhamu zitachukuliwa dhidi ya mwanafunzi atakayeacha kuhudumia eneo lake kikamilifu. Aidha kila asubuhi/jioni mwanafunzi anatakiwa kufanya usafi katika bweni, bwalo, maeneo nk. Kama atakavyopangiwa na mwalimu/viongozi wake.
- ✓ Ni **marufuku** kuwa bwenini wakati ambapo mwanafunzi anatakiwa kuwa darasani/miradi/michezo/Roll-check/Baraza/Mahafali nk.

Darasani

- ✓ Wanafunzi wote wanatakiwa wawe madarasani
Kuanzia saa 1:30 – 4:40, 5:10 – 8:30, 9:30 – 10:30 alasiri.
Saa 1:30 – usiku – 4:00 usiku. Aidha, wanafunzi wote wa bweni wanatakiwa kuwa darasani.

- ✓ Siku ya Jumamosi Saa 3:00 asubuhi-Saa 6:30 Mchana na Siku ya Jumapili kuanzia Saa 8:00 mchana hadi saa 10:00 jioni kwa ajili ya kujisomea.
- ✓ Darasa liwe safi (lisiwe na buibui, vumbi, karatasi nk) Mwalimu wa Darasa atakagua vyumba vya madarasa mara kwa mara. Kiongozi wa darasa na kiranja wahakikishe kila darasa ni safi.

13.0 Wakati mwanafunzi akiwa darasani anatakiwa afanye yafuatayo:-

- (i) Mwanafunzi asipige kelele/asitoketoke darasani
- (ii) Mwanafunzi aulize na kujibu maswali
- (iii) Mwanafunzi afanye test/mazoezi/majaribio yote kwa uwezo wake wote. Kila mwanafunzi awe na daftari la mazoezi/test kwa kila somo.
- (iv) Viti/madawati yapangwe kwenye mistari iliyonyooka
- (v) Mwanafunzi **analazimika** kuhudhuria vipindi vyote kwa siku.
- (vi) “Private Study” iliyopo kwenye ratiba ya siku hiyo ni **lazima** ifanyike darasani.
- (vii) Ni marufuku kuhamisha kiti/dawati/taa/switch n.k. kutoka darasa moja kwenda mahali pengine. Viongozi wa wanafunzi (monita na viranja) wahakikishe kwamba hakuna kifaa kilichohamishwa kutoka darasa moja kwenda mahali bila kibali cha mwalimu wa darasa. Aidha, ni marufuku kwa mwanafunzi kuchafua/kuchora kuta/samani za shule, kuchezea na kuharibu miundombinu ya umeme na maji shuleni.

14.0 **UTAMADUNI NA MICHEZO**

Michezo

- ✓ Shule ina michezo kama vile mpira wa miguu, kikapu, pete, riadha, kuruka juu/chini na Sarakasi. Kila mwanafunzi ni **LAZIMA** ashiriki kikamilifu katika angalau mchezo mmoja. Utaratibu umeandaliwa na Mratibu wa michezo na Mwalimu Mwandamizi Malezi & Utamaduni.
- ✓ Mwanafunzi ambaye hawezi kushiriki katika michezo hiyo awe na barua ya daktari na apewe kibali na Mkuu wa Shule.
- ✓ Mashindano yatafanyika kila muhula na zawadi zitatolewa kwa washindi.
- ✓ **Kutakuwa na Mchakachaka kila Jumamosi saa 12:00 asubuhi isipokuwa kama itaelekezwa vinginevyo na Uongozi wa Shule.**

15.0 **KUABUDU**

MSIKITI

Msikiti upo karibu na Shule kwa Wanafunzi wa Kiislamu.

MAKANISA

Madhehebu mengine wana utaratibu wa kusali nje kwenye makanisa yaliyokaribu na Shule.

Vipindi vya dini hutolewa hapa shuleni kwa madhehebu yote. **NILAZIMA** kila mwanafunzi ahudhurie vipindi vya dini.

16.0 **MITIHANI**

Kila muhula wanafunzi wanafanya mitihani na matokeo kutumwa kwa wazazi kwa njia ya Mtandao na barua. Mtoto wako ajitahidi asipate wastani wa alama **CHINI YA 50%** ukipata chini ya wasitani huu mzazi ataitwa shule kwa majadiliano.

Kama wewe Mzazi/Mlezi hupati matokeo ya mitihani ya mwanao (kila muhula), wasiliana na Shule haraka iwezekanavyo.

17.0 KURUDI SHULENI BAADA YA LIKIZO

Ni jukumu la mzazi kuona kwamba mwanao anarudi shuleni siku angalau moja kabla ya siku ya kufunguliwa shule. Shule ikishirikiana na Bodi ya shule wana mikakati ya kuimarisha elimu ambapo mwanafunzi atakayechelewa kurudi kutoka likizo fupi au ndefu kwa siku kadhaa itabidi **AJE NA MZAZI/MLEZI WAKE.**

UKOSEFU WA MICHANGO HAUTAKUBALIKA KWAMBA NI SABABU YA KUCHELEWA KUJA SHULENI.

18.0 MENGINEYO MUHIMU KWA MZAZI

- (i) Tabia na mwenendo wa mtoto wako akiwa likizo ni **JUKUMU LAKO** na tutafurahi sana kama utatundikia kuhusiana na tabia ya mtoto wako alipokuwa likizo, mema/mabaya aliyofanya, ushauri uliomba mwanao pamoja na tarehe aliyotoka nyumbani kurudi shuleni. Maelezo haya yatatusaidia sana katika malezi ya mwanao.
- (ii) **Mwanafunzi asije na Redio, Simu ya mkononi (Cellular phone)/charger/line na vifaa vyote vinavyotumia umeme.**

19.0 MUHIMU KWA MWANAFUNZI

Fomu zilizoambatanishwa zijazwe kikamilifu na Wahusika na kuletwa shuleni. Mwanafunzi hatapokelewa, kama hataleta nakala ya cheti cha kuzaliwa au uthibitisho wowote wa Uraia wa Mwanafunzi, na kujaza Fomu ya Hospitali na Historia ya mwanafunzi. Fomu ya hospitali iwe na karatasi ya Risiti va malipo va serikali.

MUHIMU SANA:

Kama Mwanafunzi HUKUBALIANI na MASHARTI yaliyotajwa hapo juu **USIJE SHULENI** ila **MZAZI/MLEZI** atafute UHAMISHO wako kwenda shule nyingine. Mwanafunzi anayekuja hapa shuleni baada ya kusoma taratibu za shule hii **HATEGEMEWI KUVUNJA SHERIA/KANUNI NA TARATIBU ZA SHULE.** Kwani akifanya hivyo, ni kwa **MAKUSUDI** na **SIYO BAHATI MBAYA.**

N.B: 1. Endapo Mwanafunzi atachelewa kuripoti shuleni hadi tarehe 19/07/2025 ambayo ndio siku ya mwisho ya kuripoti, nafasi yake atakuwa ameipoteza na itachukuliwa na mwanafunzi mwingine aliyekosa nafasi.

N.B: 2. Kwa siku za hivi karibuni kuwekuwa na utapeli (wizi kwa njia ya mitandao). Baadhi ya wazazi wamekuwa wakitumiwa ujumbe mfupi au kupigiwa simu na watu wanaojitambulisha kama walimu na kuwafahamisha kuwa mtoto wa mzazi husika ambaye ni mwanafunzi ni mgonjwa na yuko mahututi hivyo mzazi atume pesa.

TAFADHALI UPATAPO UJUMBE WOWOTE KUHUSU MWANAFUNZI/MTOTO WAKO USITUME CHOCHOTE, NI VEMA UKAWASILIANA NA UONGOZI WA SHULE KUPATA UKWELI WA TAARIFA HUSIKA KWA NAMBA ZA SIMU ZILIZOPO JUU UKURASA WA 1.

ORODHA YA VITABU A – LEVEL (PCB)

SN	SOMO	VITABU
1.	PHYSICS	Advanced Level Physics 7 th Ed By Nelkon & Parker 1. Parker 2. Principles of Physics for class XI By S. Chandy . 3. Principles of Physics for class XII By S. Chandy .
		4. T.I.E
2.	CHEMISTRY	Conceptual Chemistry for class XI By Dr. S.K. JAIN . 1. JAIN . 2. Physical Chemistry By Ngaiza . 3. Organic Chemistry By Ngaiza . 4. Inorganic Chemistry By Ngaiza . 5. Soil Chemistry By Ngaiza . 6. Principles of Chemical reactions By Chandy .
		7. T.I.E
3.	BIOLOGY	1. Biological Science 3 rd Ed By D.J. Taylor. 2. Understanding Biology for Advanced Level By Glenn and Susan Todle . 3. Biology for Advanced Level By Chandy . 4. Biology for Advance Level Secondary School Form V & VI By TIE
4.	BAM	1. Basic Applied Mathematics for Secondary Schools Form V & VI By Septine I. Sillem .
		2. T.I.E



Hapo juu ni mfano wa sare ya shule ya sekondari SEIF GULAMALI, Hivyo basi kwa wasichana hakikisha sketi ni ndefu (Sketi fupi haziruhusiwi kabisa).

NB : Zingatieni rangi ya sare za shule ni Dark Blue.